

## Piv a savo kanaouenn ofisiel Redadeg 2020 ?

Kemerit perzh gant ho mignoned, ho strollad sonerezh pe ho klasad o krouiñ ur ganaouenn leun a startijenn evit reiñ youl d'ar rederien !  
Ret e vo doujañ ouzh kaier ar c'hargoù amañ dindan evit bezañ lakaet war ar renk.

### Kaier ar c'hargoù :

Tem : Deus 'ta Mignon !

"Fromus", "un nozvezh digredus", "c'hoant 'm eus da zeskiñ brezhoneg", "startijenn"...  
Pegen plijus eo santout ar birvilh a zo gant ar rederien, ha mizvezhioù war-lerc'h zoken !  
Muioc'h a dud o tañva levez ar Redadeg,  
Setu 'pezh a fell deomp e 2020.  
Neuze, te ha 'teus kemeret perzh er Redadegoù paseet,  
Tap krog ba dorn ur mignon ha n'en deus ket graet gwech ebet.  
Gwel' a ri, ne vo ket dipitet !  
10 000 reder e 2018 : 20 000 e 2020 a-drugarez dit ?

*T'as des amis, des proches, qui parlent breton, mais pour toi c'est terra incognita ?  
Pas de tracas, la Redadeg c'est aussi pour toi.  
Alors viens courir avec tes potes, tes enfants ou ta grand-mère,  
Au milieu de la nuit ou en plein jour, c'est toi qui gères,  
Avec des bébés en poussette, des sportifs en goguette,  
Des enfants en socquettes, des jeunes dirollet...  
On te promet de la sueur, de l'émotion et des sourires à foison,  
Tous ensemble pour l'avenir du breton.*

Lusk : Lañsus, lusk mat evit redek, evit kanañ en ur redek. A-bouez eo e terefe evit reiñ youl d'an dud pa vezont o redek ha n'eo ket evit selaou dirak ul leurenn hepken.

Pozioù : Menegiñ ar Redadeg er pozioù hag en diskan. Diskan aes da ganañ, efedus hag a zistro alies. Simpl da zeskiñ.

Enrolladenn : Ur vaketenn broc met pas a-vicher dre ret.

Termen : Termen diwezhañ evit kas deomp ar pozioù hag ar vaketenn a vo

**D'an 22 a viz Gwengolo 2019.**

## Mat da c'houzout :

### Gwiriou

Implijet e vo ar ganaouenn ofisiel war an hent evit luskañ Redadeg 2020.

Ar ganaouenn a c'hallo bezañ implijet gant pep hini evit brudañ ar Redadeg e-barzh filmoù, gouelioù a bep seurt... Ur c'hlip a vo graet gant ar ganaouenn, implijet e vo evit brudañ ar Redadeg, pe evit traoù all evel "Flashoù mob" gant ar RE yaouank...

Kaset e vo d'ar skolioù evit lakaat bugale a bep seurt liveoù (skol-vamm, skol kentañ derez, skolaj, lise) da zeskiñ anezhi gant plijadur.

Gallout a raio bezañ implijet ivez ganeoc'h ma vez enrollet ur bladenn pe war ul leurenn.

### Frejoù

Ne vo ket paeet ar grouidigezh met gallout a raio ar Redadeg difrejañ ar c'houstoù liammet gant ar ganaouenn dibabet. Da skouer : feurmiñ studio enrollañ, frejoù hent, goprou-arzour... (ret e vo kaout faturenoù, deuit davedomp evit gouzout muioc'h).

*Diwall : ne vo ket restaolet frejoù ar c'hanaouennoù ha na vefont ket bet dibabet.*

### Sonadegoù

Pedet e vo ar strollad da ganañ ar ganaouenn ofisiel evit al loc'hañ e Karaez d'ar Gwener 15 a viz Mae hag evit degouezh ar Redadeg e Gwengamp d'ar Sadorn 23 a viz Mae 2020. War leurenn Yaouank 2019 e vo an abadenn war eeun kentañ («live» kentañ) d'an 23 a viz Du. Rankout a raio ar strollad mirout an deziadoù-se evit bezañ gwelet eno.

### Kanaouennoù all

Ul label ofisiel a vo d'ar ganaouenn dibabet, pezh ne viro ket ouzh tud all sevel tonioù pe sonioù all. An neb a garo a c'hello implijout ar re-se ivez e-kerzh an heuliadeg.

### Piv a zibabo ar ganaouenn ofisiel ?

Ur votadeg foran a vo aozet evit choaz ar ganaouenn ofisiel, e-giz evit Redadeg 2016 ha 2018. Koulzad votiñ : 1añ-15 miz Here 2019. **Ur vouezh dre chomlec'h IP.**

### Deziataer :

22/09/19 : distro ar c'hinnigoù (pozioù + maketenn kempenn)

27/09/19 : rakdibab ar c'huzul-merañ (an holl ganaouennoù a glot gant kaier ar c'hargoù)

30/09/19 : lakaat ar c'hinnigoù enlinenn,

01/10/19 : lañsañ ar votadeg foran dre Internet

15/10/19 : fin ar votadeg

16/10/19 : embann an disoc'hoù

### **Goulennoù ho peus ?**

Kit davet Tifenn : 06 61 06 62 15 / [tifenn@ar-redadeg.bzh](mailto:tifenn@ar-redadeg.bzh)